

## GAURKOARI BEGIRA DABILLEN ARRIZUBIETA'RI

Era berriak laztanduz  
daukagunari oratuz,  
Córdoba'tikan Arrizubieta  
ari zaigu karguz:  
etorkizuna maitatuz,  
gazte biotzak alaituz,  
inkisitore jauntxokeriak  
zenbaiti zapalduz.

Leturia ta Leartza,  
or dago gaurko ardatza,  
alperrik gabiltz ukatu nairik  
kezka ta zalantza,  
Naiz izan egia latza,  
baztertu dezagun lotsa,  
mundu aurrean argi azalduz  
euskaldun baratza.

Lenagoko bizi-pozak  
galdu zituan lorratzak,  
eten ziraden itxaropenak  
orain amets utsak.  
Denborarekin baldintzak:  
euzki apaintzen kerizak.  
Arrizubieta'n zintzotasunak  
daramaz biotzak.

*Otsalar*